

No part of the candidate's evidence in this exemplar material may be presented in an external assessment for the purpose of gaining an NZQA qualification or award.

SUPERVISOR'S USE ONLY

S

93009



930090

Draw a cross through the box (X) if you have NOT written in this booklet

☐

+

TE HIRANGA TAUAROMAHĪ



Mana Tohu Mātauranga o Aotearoa
New Zealand Qualifications Authority

Te Hiranga 2023 Te Reo Rangatira

Te wā: E toru hōra
Te Tāpeke: 24

Tirohia mēnā e rite ana te Tau Ākonga ā-Motu (NSN) kei runga i tō puka whakauru ki te tau o runga ake o tēnei whārangi.

E RUA ngā wāhanga o tēnei whakamātautau. E RUA ngā tūmahi mō ia wāhanga:

TE WĀHANGA TUATAHI: Pānui – Tuhituhi (2 hōra)

TE WĀHANGA TUARUA: Whakarongo – Kōrero (1 hōra)

Whakautua ngā pātai KATOĀ ki ngā wāhi wātea kua whakaritea. Me reo Māori ngā whakautu katoa.

Mēnā ka hiahia whārangi atu anō hei tuhituhi i ō whakautu, whakamahia ngā whārangi wātea kei muri o tēnei pukapuka.

Tirohia mēnā e tika ana te raupapatanga o ngā whārangi 2–19, kei roto i tēnei puka, ka mutu, kāore tētahi o aua whārangi i te takoto kau.

Kaua e tuhi i te wāhi o te kauruku-whakahāngai (). Ka tapahia pea tēnei wāhi i te wā ka mākahia tēnei pukapuka.

ME HOATU TE PUKAPUKA NEI KI TE KAIWHAKAHAERE Ā TE MUTUNGA O TE WHAKAMĀTAUTAU.

Ngā Paearu	Ngā Māka
Tikanga	7
Reo	6
Kaupapa	6
TE TĀPEKE	19

TĀ TE KAIAROMATAWAI MAHI ANAKE

HE KUPU WHAKATAKI

Tēnā koe kua uru mai nei ki te whakamātautau a Te Hiranga Te Reo Rangatira mō tēnei tau 2023. He whakamātautau mā te tauira e ako ana i te reo rangatira, ā, e mārama ana ki te whakamahi pūkenga reo torohū, pūkenga reo whakaputa hoki o ngā wāhanga katoa o te whakamātautau nei, me kaha mai te tauira ki te:

- tātari, te arohaehae rānei i ngā kaupapa
- whakaputa whakaaro motuhake, whakaaro kē hoki
- whakatakoto taunakitanga
- kōtuitui i ngā mōhiotanga.

Nā reira:

- āta pānuihia ngā kōrero tohutohu i mua i te mahi
- kia kaha mai ki te whakautu i ngā pātai katoa
- me reo Māori ngā whakautu katoa
- kua whakatahahia te rima meneti hei āta pānui māu i te katoa o tēnei whakamātautau.

Ko te reo kia tika, ko te reo kia rere, ko te reo kia Māori.

TE WĀHANGA TUATAHI: PĀNUI – TUHITUHI

E RUA ngā tūmahi mō tēnei wāhanga:

TŪMAHI TUATAHI: HE PĀNUI (60 meneti)

(*Ruatāhuna Te Āhuru Mōwai*, 1826-1866)

Pānuihia te tuhinga, kātahi whakautua ngā pātai kua whakaritea.

TŪMAHI TUARUA: HE TUHITUHI (60 meneti)

Tīpakohia tētahi kaupapa hei tuhinga roa māu, ā, kaua e iti iho i te 500 kupu.

TŪMAHI TUATAHI: HE PĀNUI

Nga tohutohu

- (a) Pānuihia te tuhinga nei: *Ruatāhuna Te Āhuru Mōwai, 1826–1866*
 (e) Whakautua ngā pātai kua whakaritea

Ruatāhuna Te Āhuru Mōwai, 1826-1866

Mai i te tau 1866, e noho mārie ana a Tūhoe i tōna rohe. Ko Ruatāhuna te kōhanga o te iwi i ngā wa o te pakanga. Ki te whakaeke te ito ki ngā pae o te rohe, kua hikipapa ki Ruatāhuna ki reira whakakeke ai. Ko Ruatāhuna te āhuru mōwai o Tūhoe, koia tōna pā kairiri. Me toa te iwi ki te kuhu atu ki te mārua o Ruatāhuna me ōna pātū teitei i Huiarau me Te Ikawhenua-a-Tamatea. Koirā anō hoki te mārua e haere ai ngā iwi o waho atu i a Tūhoe ki te whakaruru inā whakaekea e te hoariri, ngā iwi pērā i a Ngāti Awa i te wā o te āmio a Ngāpuhi i te motu.

Ko Ngāpuhi tētahi o ngā iwi whakamutunga ki te whakaeke ki Ruatāhuna, ā, me pēhea e toa ai te taiaha ki te pū? I tawhiti anō te rongo o te pū, papau ana te rere ki te ururua o Te Urewera whakangaro atu ai. Ko te huarahi e ora ai, me whakahoahoa ki a Ngāpuhi, me whakaara he tatau pounamu.

Ko te iwi whakamutunga ki te takahi i te pae o Tūhoe ki roto i tōna kōhanga, ko Ngāti Kahungunu, i raro i a Mōhaka. Kua hōhā a Ngāti Kahungunu ki a Tūhoe e haere atu ana rā ki ngā pae o tōna rohe ki te whakatū pakanga, ā, e haere mai ana a Mōhaka ki te kūtōhitōhi i a Tūhoe kia mau ai te iro. Ko te tau 1826 tērā. Mai i ērā tau i te wā o Ngāpuhi rāua ko Ngāti Kahungunu, ka mutu te whakaekehia o Ruatāhuna e iwi kē i raro i ō rātoiu atua pakanga. Kore raw ai raw ai whakaekehia kia tae rawa ki te tau 1866. Koia te tau i eke ai te puni mau pū a te kawanatanga ki te whai i te hunga hara, i whakatutū puehu i Te Tai Rāwhiti; i taki rere ki Te Urewera whakaruru ai.

Mai i te tau 1826 ki te tau 1866, ka mau te rongo ki Ruatāhuna, ka āio te whenua. E whā tekau tau a Ruatāhuna e noho houkura ana – tata te rua whakatipuranga. Ka wātea a Tūhoe ki te mahi a te iwi noho i te āhuru mōwai; te whakatikatika i ngā kāinga, te whakatipu kai, te haere ki ngā iwi o te tai moana ki te hoko atu i ngā hua o te ngahere, ki te hoko mai ngā hua o te moana. I ērā wā anō, ka tīmata te hokihoki o ngā hapū ki ō rātoiu kāinga mahue i Rūātōki, i Waiohau, i Te Waimana ki te tahu anō i ā rātoiu ahi. Ko ngā hapū i hoki ki Te Waimana, i haere atu i Maungapōhatu, i tērā o ngā horongapai o Tūhoe. I whakarērea e rātoiu ēnei kāinga i te wā o te pakanga ki ana ito, ka hikipapa ki Ruatāhuna. Koia te tohu o te noho pai me te noho mārie ki Ruatāhuna i ērā wā. Kāore he pakanga ki te rohe hai whakamataku. Ko te hoki anō ki te tahu i ngā ahi kua mātao i ngā kāinga i te pae o te rohe, te tohu o tō rātoiu mauritau, me te tohu o te houkura ki Ruatāhuna, ki Maungapōhatu, ki Rūātōki, ki Te Waimana, ki Waiohau, ki Waikaremoana.

Nō te tau 1836, ka tae te rongopai ki Ruatāhuna me ōna hapū e nohonoho rā i ōna pae. Ko ngā Pikopō me ngā Mihingare ngā hāhi e whakataetae ana mō ngā tāngata – tāne, wāhine – o Tūhoe. Nō ēnei tau anō hoki i mōhio ai a Tūhoe ki te tuhituhi i te reo Māori. I te tau 1843, ka tae a Te Karehana (Colenso) ki Ruatāhuna me ōna kāinga maha. Kua Karaitiana katoa a Tūhoe i tōna taenga ki ngā pā kāinga o Tūhoe, mai i Ruatāhuna, ka heke i te awa o Whakatāne ki Ruātōki, mai i te awa o Waikare ki Waikarewhenua ki Maungapōhatu. He whare karakia ia marae kāinga.

Nā, koinei te noho o Tūhoe i ēnei tau i waenganui i te 1826 ki te 1866. Kāore i ekehia e te hoariri. Hāunga ngā tāuteute i waenganui i ngā hapū, mate iho ētahi. Ko te pakanga i waenganui i a Te Urewera me Ngāti Tawhaki, i te pā o Ngāti Tawhaki i Mānatēpā, he pakanga hāhi i waenganui i ngā Pikopō me ngā Mihingare, he pakanga tikanga Māori hoki. Ahakoa te huri o Ruatāhuna ki te Karaitianatanga, i te mau tonu ngā tikanga whakapono o mua ki ngā tohunga o Ngāti Tawhaki rāua ko Te Urewera, ngā hapū o Tūhoe i Ruatāhuna e noho ana. Ko Ruru ki a Ngāti Tawhaki, ko Kaiahi ki a Te Urewera, he whanaunga tata rāua. Ka whaiwhaitia tētahi i tētahi, auware ake. He ōrite, ō rāua mana. Whakatika atu a Ruru ka pūhia a Kaiahi, ana, makariri ana.

Ko Kaiahi te kauwaka o Te Rehu-o-Tainui. Nāna i tiki hai atua mōna i te matenga o Uhia, nāna nei a Te Rehu-o-Tainui i whakaara. Ko ēnei tāuteute i whāiti ki waenganui i a rātou anō, kāore i roa ka weto, ka tau anō te rongo, ka noho tahi anō ngā hapū. Ki te āta mātakitaki ka kitea kotahi anō te whakapapa, kāore e taea te wehewehe. Nō te tau 1842 taua pakanga ā-hapū.

I tua atu i ngā tāuteute hapū, houkura ana a Ruatāhuna i ēnei tau. Engari ko te waiaro o te pakanga e mau tonu ana ki te iwi o Tūhoe. I ērā tau, i a rātou kua rangatira i ngā mahi ohaoha, ka taki haere ki te hoko pū i Hauraki, i Tauranga, i Whakatāne, i ngā wāhi me ngā Pākeha e hoko ana i ērā rākau. Āe, ko te kōhanga i Ruatāhuna me ōna pae i noho āio, engari ko te iwi o Tūhoe kāore i noho āio. I te haere tonu rātau ki te whakatutū puehu ki ōna hoariri i waho atu i tōna rohe ā-iwi, ā, he hanganoa kua haere ki te rānaki i ōna mate. Rua tekau mā rua katoa ngā pakanga i heare ai a Tūhoe ki te kōkiri i waenganui i ngā tau 1826 ki te 1866 i waho atu i Ruatāhuna me te rohe o Tūhoe. Kua toa, kua hoki ki te āhuru mōwai. Kua pākia mai, papau ana te hoki ki te horangapai. Koirā te āhua o Ruatāhuna me ōna pae i ērā tau, he kōhanga āhuru, he whenua houkura. Ka tae ki te kāinga kua noho ki te whakaora i a rātau – whakaora ā-tinana, whakaora ā-wairua. Mēnā kāore rātau i te pakanga, kai te kainga rātau e whakatipu kai ana, e whakapiki ana i tō rātau mana ohaoha. I ngā wā o Matariki he wānanga te mahi – wānanga tikanga tapu, tikanga tapu kor, he whakakoikoi hoki i a rātou ki ngā tikanga o te pakanga. I a rātou ka hiki i te ara o whakauaua, whā rau kē te tokomaha o te ope taua ka wehe atu i Ruatāhuna. He tau pai ēnei, he tau hua nui.

E whakatakoto ana i te taiao o te wā i waenganui i ngā tau 1826 ki te 1866. He pai te noho a Tūhoe, he āta tau te noho, Rangatira ana i ngā mahi ohaoha nō ngā pae o ōna rohe pērā i Rūātoki me Te Waimana. Rangatira ana hoki i te tokomaha haere o te tangata, nō te wā o te āio i whakatipuria ai. Mēnā ka hiki i te ara taua, whakaae katoa ngā hapū, haere katoa rātou. I te ora te tikanga whakaae o te tokomaha. I ēnei huihuinga ka taka te iwi ki tā te tokomaha. Ko te hapū ka wewete i a ia ki waho i tērā whakaaetanga, ka whiua ki te kōrero tauākī e kore e taea te wewete haere ake nei, pērā i te kōrero o te tohu takoto i utaina ki runga i tētahi o ngā hapū o Ruatāhuna, ā, e mau ana tonu nei ērā kupu.

Kai rotoi tēnei horopaki e Mārama ai ngā whakataunga a Tūhoe mō Ōrakau. Kia whakairia ake tērā whakaaro mō tēnei wā. Mā ngā whārangi e whai ake nei e tuia ai tēnei horopaki ki te Kaupapa o te tuhinga.

Te Rautahitahi o Tūhoe, Sir Pou Temara 2023. Wharangi 23-26

PĀTAI TUATAHI

(e) E ono ngā patai e whai ake nei hei whakautu māu.

Tēnā whakamāramahia mai te tikanga o ia kōrero mai te tirohanga a te kaituhi. Whakaputaina, whakawhānuitia hoki ōu ake whakaaro

1. Ko Ruatāhuna te kōhanga o te iwi i ngā wā o te pakanga. Ki te whakaeke te ito ki ngā pae o te rohe, kua hikipapa ki Ruatāhuna ki reira whakakeke ai."

// Ko Ruatāhuna te ahuru mo wai mo tēnei
iwi moumou kai, moumou tāonga moumou
tangāta ki te pō. No reira ite i te
wā o ngā pakanga ki te
rohe o Tūhoe whakaeke ai te iwi ki
Ruatāhuna. Ki reira ratou o tika ki e manakia

2. "Kua hōhā a Ngāti Kahungunu ki a Tūhoe e haere atu ana rā ki ngā pae o tōna rohe ki te whakatū pakanga, ā, e haere mai ana a Mōhaka ki te kūtōhitōhi i a Tūhoe kia mau ai te iro."

// hōhā haere ana a ngāti kahungunu
ki a Tūhoe na runga anō i to
ratou Rua tokau mā Rua Pakanga.
a, ko te whakaeke ka haere a Mōhaka
a Mōhaka, whakatū ki te whakatū o te
whakaiti ki a ratou

3. "Ko te hoki anō ki te tahu i ngā ahi kua mātao i ngā kāinga i te pae o te rohe..."

Nā te mui o to ratou Pakanga
mātao haere ko ngā ahi ki to ratou
kāinga, oti pāi ai ko ngā whānau
hoki ki te kāinga, tōku i ngā ahi
kua mātao

4. "Ko ēnei tāuteute i whāiti ki waenganui i a ratou anō, kāore i roa ka wetō..."

// nui nā tāuteute ki waenganui mui
o ngā hapu o Tūhoe, e rangi haere
te wā, ka whāiti haere ko ngā
tāuteute ki waenga i a Tūhoe

5. "I a rātou ka hiki i te ara o whakauaua, whā rau kē te tokomaha o te ope taua ka wehe atu i Ruatāhuna. He tau pai ēnei, he tau hua nui."

~~He~~ nui te ope taua o Ruatāhuna,
ā, kua whakatahi ake au, nui te
ope, nui ko ngā hua!

6. "I ēnei huihuinga ka taka te iwi ki tā te tokomaha. Ko te hapū ka wewete i a ia ki waho i tērā whakaaetanga, ka whiua ki te kōrero tauākī e kore e taea te wewete haere ake nei, pērā i te kōrero o te tohu takoto i utaina ki runga i tētahi o ngā hapū o Ruatāhuna, ā, e mau ana tonu nei ērā kupu."

I ēnei huihuinga nā te tokomaha e
kōwhiri, e tipako. Engari nā runga anō
i tērā ahua huihuinga ka wewete kōrero
ko te iwi, ko te hapū!

7. Tēnā whakarāpopotohia te ariā o ngā kōrero kei roto i tēnei tuhinga, a, whakaputaina mai ōu ake whakaaro e hāngai ana ki te kaupapa o te tuhinga nei

Ki te whakarāpopoto e au ko ngā
kōrero kei roto i tēnei tuhinga
kei kītea te tuhinga nei e
kōrero ana mo tōngā mahi
tiahi iwi, tiahi hapū, me te hāe
Pākanga ki te ti, ki te tā
mai te tau 1826 ki te 1866
i roto hoki i tēnei kōrero
e mārāma ai e ngā whakataunga
a Tūhoe me Ōrākau. //

TŪMAHI TUARUA: HE TUHITUHI


NGĀ TOHUTOHU

Tipakohia mai kia KOTAHI te kaupapa hei tuhinga ōkawa māu, ā, tuhia mai ōu ake whakaaro e pā ana ki taua kaupapa. Whāia ko ngā āhuatanga tuhituhi nei:

- te kōtuitui i te kaupapa ma te whakatakoto upoko, i te tinana me te whakakao i ō kōrero
- te ngako, te matū o te kōrero
- te whakamōmona, te whakawhānui me te whakahāngai atu hoki i ōu ake whakaaro
- kia kaha ki te arohaehae, ki te whakapuaki whakaaro
- te whakauru mai i ngā whakataukī, i ngā kīwaha, i ngā rarangi waiata, haka rānei e hāngai ana ki tō kaupapa hei whakanikoniko i tāu tuhinga roa.
- kia auaha te rautaki, kia Māori te wairua
- kaua e iti iho i te 500 kupu.

Anei ngā kaupapa tuhinga.

1. Ki te kite koe i te mate e haere mai ana, kaua e tatari kia tae rawa mai te mate ki konei ka mahi ai.
2. He tangata pakaru tikanga, he kai na te ahi. Engari, pēhea kē a Maui?
3. Ko te moni rekareka nei, te pūtake o te kino.



Tuhia tāu tuhinga ōkawa ki konei.

Ko te kaupapa: 3

Tēnā aro tātou e hika mā, via rā
te Petai ki au he ala rā te mea
nui o tēnei ao, māku e ki atu
he tangata, he tangata, he tangata, ēngari
e kare mā ko te whakatu o
ētahi ko te mea nui o tēnei
ao ko te moni, a, ko tāku
ki a tātou "E, tūturi tō wala, hōmai
o hū rima rau tāra te utu". E tua
na ko tāku e kōrero nei i tēnei
tuhinga, ko te moni he kareka nei te
Pūtahi o te Kiro, Tēnā, Pānui mai rā.

He ala te mea nui o tēnei ao?
Ki te kōhi tātou ki ngā rā o hāwai
mā, o hākoru mā ko te mea nui
ko te Whenua, ko PaPāhānui tōra,
Whangai te hūga tangata, ko ngā atua
māori ko Rongomātāne, ko Hāumietiketike,
Tangaroa, Tāne Mahuta. ēngari hoki ki tēnei
ao a tātou me hoatu Pūtea tātou
mo o tātou alie kai, hāere ora ngā tangata
ki ngā Casino, tōkaro ai ki Runga o ngā
mihini tapu me ki, moumou ana te
moni, e kare mā anei rā ko te


Āwharua o te kiro

ēngari ki te tikiro atu tātou ki te
 tokorua rangatira ake nei a Rangī
 Mataamua, a Te Aorere Penhainangi. Kāua tahi
 e pātea atu ana te ahuaanga o te
 moni i a tātou e whai ana, e tutuki
 ana te tauhata o te tiro rangatira
 tanga a kai nei, ki ōku nei whakaro
 kōinei te tauhata, kōinei te tauira
 mā tētahi te iwi nāori e whai, kia
 waiho ko ngā ahuaanga i utaina
 a te Rākehi ki runga i a tātou



Kia whakakapi i ōku kōrero me māunahua
 tonu tātou, pai noa te hoko kōkahu
 me ēa momo mea e ora ai te tauhata
 ēngari kia kua tātou e mōumou
 kātōa ki ngā mea kore whai hua
 nei koe Pēra i te mihini tūtahi i
 te pokies, i ngā hū rima ray tōra
 kia whakatu ki o kōa te atahua
 me te nui o te utu o ou hū. No reira
 hūtia te sifo o te hōwhiri kei
 hōa rā te kōwhiri e kō, kī mai
 koe ki au he aha te mea
 nui o tēnei ao, māku e kī atu
 Ehera ko te moni.





**This page has been deliberately left blank.
The assessment continues on the following page.**

TE WĀHANGA TUARUA: WHAKARONGO – KŌRERO

E RUA ngā Tūmahi mō tēnei wāhanga:

TŪMAHI TUATORU: HE WHAKARONGO:

He whakarongo ki tētahi pūrongo tautohetohe, te tuhi hoki i ngā whakaaro matua, me te whakararangi i ngā kiwaha me ngā whakataukī, whakatauākī rānei.

TŪMAHI TUAWHĀ: HE KŌRERO: *Te Tukituki o ngā pū kōrero ki te pōhiri o Te Matatini 2023.*

- (a) He whakaputa kōrero whakarāpopoto i te tautohetohe.
- (e) He whakaputa kōrero e whakaae ana, e whakahē ana rānei i te kaupapa o te tautohetohe.
- (i) He whakamārama i tētahi kiwaha me ngā whakataukī, whakatauākī rānei e RUA.


TŪMAHI TUATORU: HE WHAKARONGO – Te Tukituki o ngā pū kōrero ki te pōhiri o Te Matatini 2023.

He tautohetohe te āhua o tēnei mahi whakarongo.

Ngā tohutohu


1. Whakarongo ki te tautohetohe
2. I a koe e whakarongo ana, whakarārangihia ngā kaupapa matua a ngā kaikōrero ki roto i te māhere whakaaro kua whakaritea.
3. Āta whakarongo hoki ki ngā kiwaha kei roto i te tautohetohe nei, ā, tīkina kia KOTAHI te kiwaha e mārama ana ki a koe.
4. E TORU ngā whakapāohotanga o te tautohetohe, ā, kia mutu te whakapāohotanga ka wātea mai te 15 meneti hei whakarite i āu kōrero whakaputa.
5. **Mutu ana i te whakarite kōrero, hoatu tāu pukapuka whakamātautau me ngā pepa whakarite tuhinga ki te kaiwhakamātautau.**

Nā reira, kia areare mai o taringa, anei te kōrero.



2

MAHERE WHAKAARO

Whakaaro matua	
<p>Taha whakaae</p> 	<p>Taha whakahē</p>
<p>Ngā kīwaha (e RUA)</p> <p>E kī E kī</p> <p>Tēnā koe i to teka</p>	<p>Ngā whakataukī/whakatauaī (KOTAHI)</p> <p>Kōtahi tonu te manua whenua o kōnei, ko au ko ngāti whātua</p> <p>E kī nei koe nau te Pokapū o Tāmaki MekeMeke mai</p>

Te Hiranga

Te Wāhanga Ako: Te Reo Rangatira

Te Paerewa: 93009

Te Maaka: 19

Ngā Wāhanga	Ngā Pitopito Kōrero
Tuatahi: Pānui me te Tuarua: Tuhituhi	<ul style="list-style-type: none">E kaha ana tēnei ākonga ki te tuitui kōrero mai i tōna tirohanga motuhake e whai kiko ai i roto i ngā wāhanga o te whakamātautau.E kaha ana te ākonga ki te whakamahuki i te reo hei whakaatu i ōna pūkenga pānui, i ōna pūkenga whakautu me te hāngaitanga ki te kaupapa e tika ai te raupapa o ngā whakaaro.
Tuatoru: Whakarongo me te Tuawhā: Kōrero	<ul style="list-style-type: none">E mōhio pai ana ki tāna i rongo ai ki tāna i whakarāpopoto ai.E kaha ana ki te whakamahi tika i ngā hanga kōrero kiwaha, whakatauki e rua.E kaha ana ki te whakatakoto taunaki hei whakatau i āna whakautu.E kaha ana ki te whāriki i ōna kōrero.